



SUATEA



COMUNICÁU DE PRENSA: EDUCACIÓN

Faltando poco pa celebrar el Día internacional de les Llingües Maternes, El Gobiernu asturianu albuerta la especialidá de Llingua Asturiana en Madrid.

El pasáu 4 de febreru tuvo llugar en Madrid, nel Ministeriu d'Educación, una de les últimes meses de negociación sectoriales d'Educación onde se trató'l proyectu de Real Decretu d'Especialidaes de Maestros que se publicará esti añu. Nesta mesa negociación ta presente la confederación STEs Intersindical (a la que pertenez SUATEA) qu'a propuesta nuestra presentó la siguiente redacción del artículo 2. Especialidades docentes del Cuerpo de Maestros:

“Tendrán la consideración de especialidades del Cuerpo de Maestros, las de la lengua o lenguas cooficiales en aquellas Comunidades Autónomas que así lo tuvieran regulado y aquellas lenguas propias de las comunidades autónomas que, no teniendo estatus de cooficial, gocen de distintos niveles de protección en su legislación autonómica y soliciten su reconocimiento como especialidad docente”.

El representante del ministeriu comentó a los presentes na mesa que depués de preguntar a Asturias (Gobiernu Asturianu), esti nun quier la redacción propuesta por SUATEA; poro, quedará como proponía'l Ministeriu: *“Tendrán la consideración de especialidades del Cuerpo de Maestros, las propias de la lengua cooficial en aquellas Comunidades Autónomas que así lo tuvieran regulado”.*

Anque esta redacción nun torgue que les llingües propies non cooficiales puean tener accesu a la Especialidá docente, la nuestra propuesta abría amañosa y facilmente la puerta a la reconocencia de la Especialidá de la Llingua Asturiana ensin nengún esfuercu cooficializador, que tanto-y repuna y resquema al Gobiernu asturianu. A esta ferramienta normativa amañosa que-yos apurrimos al Gobiernu asturianu compuestu por PSOE-IU, respueden arrefundiándola. Esta villana acción demuestra dos coses:

- Que la responsabilidá de que nun haya Especialida de Llingua, por mucho que quieran engañar a la ciudadanía, ye del Gobiernu asturianu compuestu por PSÓE-IU
- La falta de respetetu que-y tienen tanto a los derechos llaborales del profesoráu como a los derechos llingüísticos de la ciudadanía asturiano reconocíos na llexislación mundial, europea, española y asturiana.

OFICIALIDÁ Y ESPECIALIDÁ: YÁ

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES